



Broj: 01/1-02-1001/17
Ilijaš, 27.04.2017. godine

Z A P I S N I K

sa 8. (osme) sjednice Općinskog vijeća Ilijaš, održane dana 27.04.2017. godine, sa početkom u 10:00h.

Osmom sjednicom Općinskog vijeća Ilijaš predsjedavao je predsjedavajući OV-a Ilijaš g-din Mahir Dević.

Prisutni vijećnici:

RB.	IME I PREZIME
	SDA
1	MAHIR DEVIĆ
2	ANEL BUMBULOVIĆ
3	MUAMER DERVIŠEVIĆ
4	ALMA OMEROVIĆ
5	MEHMED SINANOVIĆ
6	ADEM ALIĆ
7	-
8	ARMIN MATORUGA
9	SEMIR DEDIĆ
10	HALID DIZDAREVIĆ
11	RASIM ŠEHIĆ
12	MELISA MATORUGA
13	ALEN HASKOVIĆ
	SDP
14	ALAN ŠERAK
15	DAMIR FILIPOVIĆ
16	MIRSAD OSMANOVIĆ
	SBB-FAHRUDIN RADONČIĆ
17	AKIF BEŠLIJA
18	SEAD ŠEHIĆ
	BPS-SEFER HALILOVIĆ
19	MUHAMED HANDŽIĆ
20	ALMIR ŠPIODIĆ
	GS
21	EDHEM HASANOVIĆ
22	ASIM MUJIĆ
	SAMOSTALNI VIJEĆNIK
23	-
	LDS
24	MEHO DŽINDO
	STRANKA ZA SREDNJE

Odsutni vijećnici:

1. Saudin Durmić i
2. Semir Dizdarević.

Prisutni gosti:

1. Aida Muratović – Radio Ilijaš
2. TV Vogošća
3. Belma Zukić – direktorica JKP "Vodostan" Ilijaš
4. Benis Fazlić – direktor JU "KSC i Radio Ilijaš"
5. Samka Zuban – predstavnica Pravobranilaštva Kantona Sarajevo
6. Amra Matoruga - direktorica OJ DZ Ilijaš
7. Sena Softić-Taljanović – direktorica JU Zavoda za hitnu medicinsku pomoć Kantona Sarajevo
8. Mehmedalija Pindžo – glavni tehničar JU Zavoda za hitnu medicinsku pomoć Kantona Sarajevo
9. Nihada Ibrahimović – predstavnica JU Zavoda za zdravstvenu zaštitu žena i materinstva Kantona Sarajevo
10. Amar Dovadžija – poslanik u Skupštini Kantona Sarajevo
11. Mehmed Smajlović – predsjednik Savjeta MZ Mrakovo

Ostali prisutni:

1. Akif Fazlić – općinski načelnik
2. Sanja Zagorac-Jozić – pomoćnik načelnika
3. Sadeta Brkić – pomoćnik načelnika
4. Meliha Avdibegović – pomoćnik načelnika
5. Zdravko Barić – pomoćnik načelnika
6. Nijaz Spahić – pomoćnik načelnika
7. Ilda Kahrman – sekretar OV-a Ilijaš
8. Vahid Hadžiabdić – građevinski inspektor
9. Mirza Dinar – IT administrator
10. Đenan Suša – IT administrator

MAHIR DEVIĆ – predsjedavajući OV-a

Otvorio je sjednicu i konstatovao da postoji kvorum za odlučivanje (prisutna 23 vijećnika).

Zatim je dao na razmatranje zapisnik sa 7. sjednice OV-a. Primjedbi nije bilo, pa je OV-e jednoglasno usvojilo zapisnik sa 7. sjednice OV-a.

Pročitao je predloženi dnevni red i isti dao na razmatranje.

AKIF FAZLIĆ – općinski načelnik

Tačku 5. i tačku 6. predlagач povlači sa današnje sjednice OV-a, dakla tačka 5. je Prijedlog Odluke o davanju saglasnosti na Plan rada Javne ustanove "KULTURNO-SPORTSKI CENTAR I RADIO ILIJAŠ" za 2017. godinu, predloženi Plan nije usklađen sa aktuelnim budžetom Općine Ilijaš i dakle imamo potrebu da ga revidiramo i predložimo za

majsku sjednicu OV-a. Tačku 6. predlagač povlači iz razloga gdje je investitor izvršio reviziju projektne dokumentacije koja je bila urađena za objekat minihidroelektrane, lokalitet Malešići, ta revizija je pokazala da urađeni projekat nije u potpunosti sa tehničkih-hidroloških aspekata dobar, tako da smo dogovorili sa investitorom dok se te ne otklone te slabosti vezane za projekat, tim novim projektom definiše neka nova pozicija i sa aspekta fizibiliti studije potrebnih ulaganja, da ovu tačku odložimo.

MIRSAD OSMANOVIĆ – vijećnik SDP-a

Načelnik me je malo preduhitrio u nekim stvarima, ali ja ću nastaviti, malo je nezgodno da ja metalac komentarišem dokumente, gdje su autoriteti pravne oblasti rekli da je sve tehnički ispravno i usklađeno. Ja ću malo načelnika dopuniti, ipak se vratiti kada se tiče saglasnosti u narednom periodu, ovo što je govorio, da malo izvaga prethodnu saglasnost i saglasnost, to je za buduće, za ovo što je prethodno rekao. Ja ću prokomentarisati tačku 8. i tačku 9. pod a). Kad se tiče Prijedloga Odluke o izmjeni člana 1. Odluke Općinskog vijeća Općine Ilijaš, ja imam pitanje za predlagača, kad se tiče promjene kulture parcele, jeli potok Rača presušio ili je nešto drugo, koji je postupak vođen u promjeni kulture ili je nešto treće? Što se tiče tačke 9., ova rješenja uvažavajući autoritete iz oblasti prava da je sve pravno-tehnički usklađeno, ja ću pokušati da prokomentarišem pošto se radi o ozbiljnim stvarima, kad se tiče eksproprijacije, tačno je član 14. Zakona o eksproprijaciji je podloga gdje OV-e, donosi Odluku o utvrđivanju javnog interesa. Međutim, neću biti drzak, ali forma ovog rješenja po meni nije uredi. Zašto se predlagač nije vezao za član 16., koji utvrđuje uslove da bi mogli krenuti u ovu proceduru?

MAHIR DEVIĆ - predsjedavajući OV-a

Kolega Osmanoviću da se držimo samo Poslovnika, znači na dnevnom smo redu, jeli Vi predlažete da se ove tačke povuku ili da ostanu?

MIRSAD OSMANOVIĆ – vijećnik SDP-a

Predlažem da se povuku.

MAHIR DEVIĆ - predsjedavajući OV-a

Predlagač, očitujte se po vezano za ovo.

SADETA BRKIĆ- pomoćnica načelnika

Predlagač ostaje kod prijedloga ovih tačaka.

MAHIR DEVIĆ - predsjedavajući OV-a

Predlagač ostaje kod prijedloga ovih tačaka, a onda vi o meritumu, kad dođemo do njih kažete što imate.

MAHIR DEVIĆ – predsjedavajuć OV-a

Obzirom da diskutanata više nije bilo, predloženi dnevni red je dao na glasanje.

Općinsko vijeće Ilijaš je većinom glasova usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa 7. sjednice
3. Izvještaj o radu i poslovanju JKP "Vodostan" d.o.o. Ilijaš za 2016. godinu
4. Izvještaj o radu i finansijskom poslovanju za 2016. godinu Javne ustanove "KULTURNO-SPORTSKI CENTAR I RADIO ILIJAŠ" sa izvještajem manifestacije "Ilijaški dani 2016" i izvještajem o održavanju i finansijskim efektima antenskog stuba Karašnica
5. Izvještaj o radu Pravobranilaštva Kantona Sarajevo za Općinu Ilijaš za 2016. godinu
6. Prijedlog Odluke o izmjeni člana 1. Odluke Općinskog vijeća Općine Ilijaš, br. 01/1-02-854-14/16 od 31.03.2016. godine
7. Prijedlog Rješenja iz imovinsko-pravne oblasti
 - a) broj: 06/1-31-540/17 od 13.04.2017. godine
 - b) broj: 06/1-31-66/17 od 18.04.2017. godine
 - c) broj: 06/1-31-609/17 od 18.04.2017. godine
 - d) broj: 06/1-31-617/17 od 19.04.2017. godine
8. Informacija u oblasti zdravstva na području Općine Ilijaš

AD-1

Vijećnička pitanja i inicijative

SEAD ŠEHIĆ – vijećnik SBB-a

Pitanje:

1. Postavljam pitanje nadležnoj općinskoj službi, a na zahtjev mještana "Donje Karaule", obzirom da je na navedenom lokalitetu kod groblja isječen asfalt radi krpjenja ceste. To je se uradilo negdje pred zadnje Lokalne izbore, od tada je prošlo skoro osam mjeseci, a asfalt još nije pokrpljen, a došlo je i do dodatnih i do drugih prirodnih i mehaničkih radnji i pojava. Stoga mještane Donje Karaule, interesuje kada će navedeni asfalt biti konačno pokrpljen, je li to planirano za vrijeme ljetnog održavanja puta ili nekad prije ili poslije? Jednostavno da li postoji nalog da se to uradi?

MEHO DŽINDO – vijećnik LDS-a

Ja želim dati pojašnjenje vezano za moje vijećničko pitanje sa prošle sjednice, a koje se odnosilo na situaciju u vezi asfaltiranja puta u dijelu naselja Mrakovo, a ne Saviča Brdo. Konkretno, radi se o makadamskom putu koji se proteže kroz novoizgrađeno naselje na samom ulazu u Mrakovo sa desne strane glavnog puta, počevši od table koja označava naselje Mrakovo. Put u produžetku izlazi na javni put koji se spušta niz Veliko brdo i izlazi na glavni mrakovski put kod velike krivine prije prvog mosta, ovdje je dakle bio nesporazum u vezi lokacije i tako da mislim da će ovi radovi nastaviti početkom maja i biti završeni do kraja mjeseca. .

Prilog 1: fotografije pomenute dionice

Inicijativa:

Donošenje Odluke o uslovima i načinu držanju kućnih ljubimaca

Obrazloženje: Većina parkova i dječijih igrališta koja se nalaze pored škola zagađena su psećim fekalijama. Zbog toga, ali i straha od mogućnosti zaraza mnogih roditelja ih izbjegavaju, te su prinuđeni s djecom odlaziti na neke druge lokacije. Dosta je učinjeno u vezi pasa litalica koji je u gradu mnogo manje, ali u prigradskim naseljima i dalje ih ima znatan broj. Da bi se riješili u potpunosti pasa litalica Općina bi trebala uspostaviti saradnju sa Veterinarskim fakultetom koji će uraditi studiju o zbrinjavanju napuštenih životinja. Treba naći najbolje rješenje da se ovaj problem u potpunosti riješi kako bi se životinje u što kraćem roku odvezle do azila. Drugi problem sa kućnim ljubimcima su vlasnici koji imaju kućne ljubimce i izbjegavaju ukloniti fekalije te nositi pribor za čišćenje. Zbog toga treba pojačati nadzor i rigoroznije kažnjavati one koji ne poštuju pravila. Ovaj problem treba da bude u nadležnosti Općinske inspekcije, odnosno komunalnog inspektora. Većina općina u Kantonu Srajevo imaju Odluke o uslovima i načinu držanja kućnih ljubimaca, dok naša Općina koliko znam nema takvu Odluku. Istina najveći problem su psi litalice, jer su bez nadzora, a prisutni su na svim lokacijama. Osim njih, i kućni ljubimci-psi predstavljaju problem, jer se oni u posljednje vrijeme šetaju sa svojim vlasnicima po svim dijelovima grada. Takve lokacije su inficirane određenim jajima, među kojima je najopasniji ehinokok, koji živi u crijevima pasa, a psi se obično zaraze jedući iznutrice koje građani neprikladno odlažu, ili hrane pse. Svi ste primjetili gospođu koja živi na Banovcu i svakodnevno hrani iznutricama svoja tri ljubimca u glavnoj ulici-šetnici, iako postoji znak zabrane za šetnju sa psima. Nakon igre, ako djeca ne operu ruke lako se mogu zaraziti. Iz navedenih razloga i pokrećem inicijativu za donošenje navedene Odluke. Evo čujem da mi imamo takvu Odluku, što je za pohvaliti, vjerujte nisam znao, ali onda se trebamo pridržavati se iste i uvesti rigoroznije mjere i kažnjavati one koji hrane pse po ulici.

MUHAMED HANDŽIĆ – vijećnik BPS-Sefer Halilović

Inicijativa:

Pokrećem inicijativu da se obezbjedi adekvatan prostor za rad naših poljoprivrednih proizvođača u vrijeme pijaćnih dana u Ilijašu (subota), koji su vršili prodaju svojih proizvoda na neuslovnim tezgama zbog čega ih je inspekcija odstranila i sankcionisala.

Obrazloženje:

Svjedoci smo činjenice da u posljednjih nekoliko sedmica na našoj pijaci u Ilijašu nemožemo kupiti mliječne i mesne proizvode, a iz razloga što ova pijaca ne raspolaže sa adekvatnim prostorom za te namjene, te u tom smislu ova moja inicijativa ide na adresu onima koji upravljaju sa ovim prostorom, a to je u ovom slučaju JKP "Vodostan".

MIRSAD OSMANOVIĆ – vijećnik SDP-a

Tražim od nadležnih Službi da mi dostave odgovore na pitanja i inicijative koje sam na ranijim sjednicama predlagao, a do ove sjednice nisam dobio odgovore, od istih izdvajam:

1. Dostaviti Informaciju o radu Tima za implementaciju strategije održivog razvoja 2013-2017 godine, te Informaciju o radu Komisije za monitoring i evaluaciju, jer ta Komisija mora godišnje izveštavati OV-e, a koliko je upoznat Klub SDP-a, da se to ne radi.
2. Dalje, pokrenuo sam inicijativu da procedure, koje su vezane za uključivanje građana u odlučivanje, budu spuštane u MZ-e, ovo je značajno zbog aktivnosti koje radi OV-e i zbog pripremnih radova za novu strategiju, kao i za usavršavanje standarda Općine Ilijaš.

ALMIR ŠPIODIĆ – vijećnik BPS - Sefer Halilović

Inicijativa:

1. Pokrećem inicijativu da se ambulantni Podlugovi nabavi nova stomatološka stolica u svrhu pružanja potpune zdravstvene usluge građanima.

Obrazloženje: Poznato je da na ovo područje ima veliki broj pacijenata što nam govori izvještaj Doma zdravlja, također veliki broj učenika Osnovne škole "Podlugovi", koji imaju potrebu za uslugama stomatologa. Postojeća oprema nije u funkciji i nemože se pružiti potpuna zdravstvena usluga građanima, stoga molim nadležne da u što kraćem roku obezbijede stomatološku stolicu i prateću opremu kako bi doktor mogao pružiti adekvatnu zdravstvenu zaštitu pacijentima.

DAMIR FILIPOVIĆ – vijećnik SDP-a

Inicijativa:

1. Ponovo pokrećem inicijativu prema Službi za zajedničke poslove i Službi općinskog vijeća i općinskog načelnika da mi se adekvatno odgovori na pitanja i inicijative upućene na februarskoj sjednici OV-a.
2. Da li je istina da se od strane općinskog načelnika razmatra naplata parking prostora, ukoliko je istina, tražimo da nam se dostave predviđene lokacije?
3. Kada je predviđeno okončanje radova na rekonstrukciji puta kod Alić rampe?
4. Molimo da se dostave podaci o raspodjeli granta na Boračka udruženja?
5. Da se uradi akt koji će definisati zaštitu kulturno-historijskog naslijeđa na području Općine Ilijaš sa konkretnim mjerama, a u cilju zaštite od propadanja, zaštite od zaborava i poticanja turizma. Akt treba sadržavati i spisak svih spomenika na prostorima Općine Ilijaš.
6. Molim da se dostavi spisak privatnih preduzeća i poduzetnika, koji su dobili subvenciju iz budžeta Općine Ilijaš za 2017. godinu.
7. Koliko iznosi dug JP "Sarajevo-šume" Sarajevo prema Općini Ilijaš?
8. Da se u rebalansu budžeta uvrsti grant o davanju jednokratne naknade za novorođenčad koji će biti definisan posebnom Odlukom Općinskog vijeća Ilijaš i gdje davanja neće biti niža od minimalne plate u FBiH.
9. Da se izgradi trotoar na dionici od firme Tranzit do malešičkog mosta.

BESIM GLJIVA – vijećnik Stranke za Srednje

Inicijativa:

1. Hitno iznaći mogućnost i sredstva kako bi se izvršila ugradnja hlorinatora na vodozahvat "Vrela". Hlorinator je kupljen prije 2 godine i isti ni do danas nije ugrađen, a pohranjen je u prostorijama MZ Gajevi. Napominjem da navedeni vodovod snadbijeva oko 450 domaćinstava i nekoliko privatnih subjekata sa

intenzivnim zahtjevima za proširenje. Neophodno je izvršiti i djelimično sanaciju navedenog vodozahvata kako bi se obezbijedio minimum uslova za vodosnadbijevanje navedenog područja. Vodozahvat nije pod ingerencijama JKP "Vodostan" Ilijaš.

ADEM ALIĆ – vijećnik SDA

Inicijativa:

Pokrećem inicijativu da se u naseljima Popovići i Salkanov Han izvrši rekonstrukcija niskonaponske mreže.

Obrazloženje: U navedenim naseljima nalaze se stari i dotrajali stubovi putem kojih je sprovedena niskonaponska mreža. Navedeni stubovi u stanju u kakvom se sada nalaze svakodnevno su izloženi opasnosti od pada i rušenja na imovinu kao i na saobraćajnicu. S tim u vezi predlažem rekonstrukciju niskonaponske mreže u naseljima Popovići i Salkanov Han.

ALEN HASKOVIĆ – vijećnik SDA

Inicijativa:

1. Pokrećem ponovo inicijativu za rješavanje problema odlaganja otpada u kontejnere koji se nalaze u Podlugovima preko puta "EDEKE", naime kontejneri su konstantno prenatrpani otpadom koji odlaže obližnja mesnica "Šabanac", zbog istog se okupljaju psi lutalice koji raznose otpad po ulici što stvara lošu sliku na samom ulazu u Ilijaš. Kao moguće rješenje predlažem da se privrednim subjektima obezbjede zasebni kontejneri za odlaganje namjenskog otpada.

Prilog 2: fotografije sa lica mjesta

AD-2

Izveštaj o realizaciji zaključaka sa 7. sjednice

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Izveštaj o realizaciji zaključaka sa 7. sjednice

AD-3

Izveštaj o radu i poslovanju JKP "Vodostan" d.o.o. Ilijaš za 2016. godinu

BELMA ZUKIĆ- direktorica JKP "Vodostan" Ilijaš

U materijalima koje ste dobili za ovo Vijeće se nalazi Izveštaj o radu i poslovanju uprave, Izveštaj o radu i poslovanju Nadzornog odbora, Odbora za reviziju, mišljenje Odbora za reviziju o Izveštajima za 2016. godinu, te mišljenje nezavisne revizorske kuće Revik o Izveštajima za 2016. godinu. Kada je u pitanju Izveštaj, u protekloj godini, onda sa zadovoljstvom mogu konstatovati da je on nakon deset godina negativnog poslovanja u protekloj godini završio sa pozitivnom dobiti. Znači ta neto dobit je iznosila 163.289,00 KM. Kada pogledamo strukturu prihoda u protekloj godini, onda vidimo da je ona povećana za 18,80% i da su to uglavnom prihodi koji su zabilježeni iz poslovnih prihoda i da su uvećani za 26% u odnosu na uporedni period protekle godine. Za povećanje prihoda u

finansijskom smislu je to 294.000,00 KM i to za svega troškova, koji su povećani od 1,95% ili 32.000,00 KM. Maloprije sam pomenula strukturu prihoda, vidljivo je da su poslovni prihodi, to su prihodi iz fakturisane vode privredi, fakturisane vode stanovništvu, fakturisane kanalizacije, održavanje potrošačkog mjesta, prihodi od priključaka zanatskih radnji i ono što posebno pada u oči su prihodi od donacija amortizacije doniranih sredstava i ulaganja u vodovodnu i kanalizacionu mrežu. Index povećanja prihoda kod ovih stavki je 322,95% ili za 131.495,00 KM, koliko je viši nego prethodne godine. Kada je riječ o ovim prihodima, onda smatram da ih trebam malo i obrazložiti, znači riječ je o prihodima koji su ostvareni iz namjenskih sredstava, vodnih naknada koje su u protekloj godini upotpunosti implementirane preko ovog preduzeća, znači ovim putem se zahvaljujemo Općini, odnosno općinskom načelniku, koji je dao povjerenje ovom preduzeću i kapitalne investicije oko pola miliona KM, prepustio nama na implementaciju i to od momenta nabavke robe, odnosno provođenja procedura javnih nabavki u skladu sa Zakonom o javnim nabavkama do ugradnje tog materijala, odnosno izvođenja radova na rekonstrukciji vodovodnih i kanalizacionih objekata. Kada su u pitanju ti objekti, evo ja ću napomenuti ukratko na šta se to odnosi, znači tih pola miliona KM, to je rekonstrukcija rezervoara na Karašnici, to je rezervoar Srednje, više zone, sa kojeg se vodosnadbijevaju visinski dijelovi naše općine, to je jedan rezervoar koji je u potpunosti rekonstruisan od krova, armatura, stolarije, moleraja, farbanja, znači sve ono što je trebalo da se dovede u jedno zaista stanje kako treba da rezervoar izgleda, znači napravljeno je i završeno je. Pored tog rezervoara završen je i rezervoar od 100 m³, koji služi za pranje filtera, koji je također na Karašnici, zatim rekonstruisan je i rezervoar na vodozahvatu Junakovac, to je na lokalnom vodovodu, znači izvoriste je sada kompletno rekonstruisano zaštićeno i još je dograđen jedan rezervoar od 30 m³, koji predstavlja rezervu vode, koja u ljetnom periodu dobro dođe lokalnom stanovništvu, jer ta rezerva je sada akumulirana, a do sada je odlazila u potok. Pored ta dva rezervoara, urađene su rekonstrukcije na vodovodnoj i kanalizacionoj mreži. Ono što je urađeno na vodovodnoj mreži to su dvije dionice, jedna dionica je od gradskog stadiona prema Bilpromu ili ovaj dole dio Alića Bare i druga dionica je u Mrakovu. Riječ je o dionicama koje su zaista pravile velike gubitke, koji su se nalazili u nekom nepristupačnom terenu za sanaciju kvarova, kroz privatno zemljište pristup nam je bio onemogućen, koje su prolazile dijelom kroz potok Gnionicu, tako da smo mi cijelo vrijeme strahovali da prestankom vodosnadbijevanja, odnosno kad cijevi nisu pod pritiskom postojala je opasnost ulaska te vode, odnosno zagađenja tih linija. Evo sa zadovoljstvom mogu reći da je to završeno i da ta opasnost više ne postoji. Što se tiče kanalizacije, kanalizacije su izgrađene u Ljubinićima i to na dva poteza, prvi potez je prema Osnovnoj školi, znači sada je škola u Ljubinićima uvedena u sistem javne kanalizacije i izbačena je septička jama, koja je bila u školskom dvorištu. Drugi dio je prema Radića potoku. Zatim kanalizacija izgrađena u Donjoj Luci, oborinska u Lješevu, izgrađena je fekalna u Ini-Makljen, zatim nabavljene su pumpe za Malešiće i Ljubiniće, izgrađena je vodovodna fekalna i oborinska mreža u Industrijskoj zoni u Luci. Znači to su projekti kapitalni, koji su finansirani iz namjenskih sredstava i koji su znatno uticali i na rezultat poslovanja ovog preduzeća u protekloj godini, zahvaljujući njima i bila nam je jedna ovako dobra finansijska infuzija, pa smo imali ovako dobar poslovni rezultat. Pored radova koji su izvedeni iz tih namjenskih sredstava, preduzeće je realizovalo zaista veliki broj projekata i u vlastitoj režiji. Uglavnom smo pratili infrastrukturne projekte, koje je vodila Općina u prethodnoj godini, kao i Direkcija za puteve, tako gdje god su se radile saobraćajnice mi smo na neki način uzeli učešće postavljanja zaštitnih cijevi, rekonstrukcije onog dijela koji je oštećen, ostavljanje mogućnosti da se poslije provuče neka cijev, da se više ne diraju takve saobraćajnice. Primjer takvog jednog projekta je Alića Rampa, gdje je u protekloj godini izvršena rekonstrukcija vodovodne mreže.

Taj projekat je nastavljen i evo trenutno se sada radi, s obzirom da se završava ta raskrsnica prema Kadarićima. Znači mi trenutno mijenjamo vodovodnu mrežu koja će ostati u toj saobraćajnici. Također, tu je urađena i oborinska voda, znači postavljena je cijev u raskrsnici i izvedeno je kontrolno okno prema Lamu i ostavljena je mogućnost da se kvalitetno i trajno riješi i ova oborinska voda sa Banovca koja ide od Binga i od Konzuma. Pored projekata na vodovodu i kanalizaciji, rađeno je puno i na čišćenju, odnosno zaštiti rezervoara i bazena. Na lokalnim vodovodima je to kompletno čišćenje rezervoara i prostora oko rezervoara, sanacija ograde, farbanje unutra i urađeno u Dragoradima, Udrabima, Crnoj Rijeci, Junakovcu, Spahinom Dolu, Vladojevićima, te čišćenje rezervoara pitke vode u Srednjem. Urađena je i nabavka instalisanja pumpe u rezervoar u šesto kubika na Karašnici iz kojeg se pumpa voda za višu zonu, zamjenjena je pumpa u Crnoj Rijeci, radilo je se puno na remontu svih pumpnih postrojenja, tako da su oni sada u jednom zaista odličnom i funkcionalnom stanju. Ono što bih još pomenula je nabavka oprema i softvera za mobilno očitavanje vodomjera, koji smo implementirali u prošloj godini. Znači, sada naši zaposlenici odmah na vodomjernom oknu, očitavaju vodomjer, što se automatski registruje u našu bazu podataka, znači izbjegnuta je mogućnost ispravke i prepravke tog podatka, zatim dobili smo na produktivnosti rada, obzirom da je to prije radio još jedan uposlenik, koji je sada preraspoređen na druge poslove i treća benefit tog projekta je da se od svi od naših korisnika u svakom momentu može da dođe kod nas i da iz baze podataka dobije tačan podatak, kad je njegov vodomjer očitao, ko ga je očitao, u kojem trenutku i sve druge podatke. Taj softver je također, nadograđen u protekloj godini, ugradnjom zonskih vodomjera na koje je instaliran radio modul, koji je uvezan u našu bazu podataka i mi imamo mogućnost da satno pratimo protoke na svim ograncima, da detektujemo protoke dnevne, noćne i na taj način dolazimo do podataka gdje su nam najveći gubici i naravno na osnovu toga donosimo upravljačke odluke, šta je to prioritet u našim planovima, odnosno šta treba u najkraćem roku realizovati. Kad je u pitanju procent naplate, dobila sam sugestiju da tamo stoji procenat naplate pravnih lica 117%, to se odnosi na stara potraživanja, ono što nije fakturisano u prošloj godini, nego je naplaćeno iz ranijeg perioda. Kad su fizička lica u pitanju, naplata je 91%. Zaista smo radili, formirali tim koji je se bavio naplatom, upotrijebili sve zakonske mehanizme, od slanja opomena, zvanja na telefon, pa čak i uskraćivanja usluga, do pravljenja sporazuma i rezultat naplate je ovakav. Kod fizičkih lica je vrlo teško tehnički pristupiti objektima, nemoguće mu je uskaratiti uslugu, a mehanizmi utuženja i sudske naplate znamo kako su neučinkoviti. Samo bih još napomenula, vezano za kvalitet vode, što je ovom preduzeću zaista imperativ. U protekloj godini na više načina se vršila kontrola kvalitete, jedan od načina je monitoring uređaj koji prati pet parametara ulazne sirove vode izbistrene, odnosno vode koja je filtrirana i koja ide u distribuciju krajnjim korisnicima, to je softver koji prati i te podatke deponuje, znači imamo bazu tih podataka. Drugi način je da mi u svojoj laboratoriji svakodnevno radimo hemijske i bakterijološke analize, a na kraju krajeva tu je i Zavod za javno zdravstvo, s kojim imamo sklopljen ugovor, koji nas po slobodi vremena i mjesta uzorka kontroliše i dostavlja nam analize. Prema izvještaju Zavoda za javno zdravstvo u protekloj godini sva voda je bila skladu sa Pravilnikom o higijenskoj ispravnosti.

MEHO DŽINDO- vijećnik LDS-a

Ja bih samo rekao u vezi ovih daljnih aktivnosti radi prevazilaženja problema u vodosnadbijevanju, vidim ovdje, jedna je stavka izvršiti ugradnju vodomjera paušalnim korisnicima. Paušalni korisnici kojih ima dosta, treba da plaćaju vodu po broju članova domaćinstva, to u dobroj slučaju se ne primjenjuje, jer je prijavljen manji broj članova

domaćinstva, a samim tim se i fakturiše manji iznos sredstava. Zar je problem provjeriti u PU Ilijaš, na osnovu CIPS prijave, koliko članova broji koje domaćinstvo. Ima slučajeve da podstanari nisu prijavljeni za potrošnju vode, kao i da račun dolazi na drugo ime, koje uopšte ne živi u tom stanu ili kući. S toga bi predložio da bi naplata bila još bolja, da ovo preduzeće malo provjeri, jer zaista znam tačno da ima veći broj članova domaćinstva, a da je prijavljen manji broj, koji plaćaju vodu paušalno. Uredu, ako će se brzo raditi ovi vodomjeri, onda neće biti takvih malverzacija.

BESIM GLJIVA- vijećnik Stranke za Srednje

Kako vidimo iz ovog Izvještaja na određenim pozitivnim pomacima u samom poslovanju JKP "Vodostan", svjesni smo svi, pogotovo mi koji smo duži period u OV-u, svih problema u prethodnom periodu. Ali evo na radost svih nas tu su određeni pomaci koji su pokazali i svoje finansijske efekte samim ovim Izvještajem. Međutim, ono što konkretno hoću da kažem, što možda nije u punom kapacitetu ni vezano za rad JKP "Vodostan", više je to vezano za samu Općinu, Službe itd. Jedan vrlo bitan vodozahvat, ja ga ovdje vrlo često pominjem, a to je jedan veliki vodozahvat Vrela sa svim svojim problemima, lokalnim vodozahvatima koji se u taj sistem ulijevaju itd. To je jedan kompleksan vodovod o kojem bi ja trebao najmanje sat vremena obrazlagati da bi vam to približio. Međutim, reći ću samo suštinu, određeni vodozahvat Vrela snadbijeva cca 450 kuća, domaćinstava na širem području Gajeva, plus škola, ambulanta, RJ Šumarstva itd. i itd. On je jedini vodozahvat koji nije u sistemu JKP "Vodostan", upravo i nije u sistemu, zato što je toliko kompleksan, što zahtjeva prije svega, prije samog preuzimanja određene rekonstrukcije, upošljavanje novih kadrova i svašta nešto. To bih vjerovatno puno koštalo i Općinu i budžet i preduzeće koje bi preuzelo održavanje vodovoda. Međutim, mi iz godine u godinu bježimo, saziv od saziva OV-a itd, bježimo od tog problema, ali on će nas jedan dan čekati. Navedeni vodovod odražava MZ-a, koja na jedvite jade uspijeva samofinansirajući se naplatom djelimičnom, koliko to može, jer nema nikakvih ni zakonskih okvira da vrši samu naplatu. Ima uposlena dva, tri volontera, pa ih plati onda kada ima da ih plati i na takav jedan način snadbijeva 450 domaćinstava zajedno sa subjektima pravnim koje sam naprijed nabrojio, manje ili više uspješno vodom. Međutim, šta je dodatni problem, dodatni problem što je voda, pogotovo kad su kišne oborine, padavine itd, ona je neupotrebljiva za piće, a ista se pije. Vodostan djelimično vrši bakteriološko ispitivanje povremeno. Ja sam insistirao da se nabavi i hlorigenerator, koji nas je koštao cca 6.000,00 - 7.000,00 KM, pa smo kupili neke dodatne stvari za taj hlorigenerator, pa nas je do sada koštao cca 7.000,00-8.000,00 KM, pa je on pohranjen u prostorije MZ-e već godinu dana, a nemamo mogućnost da ga instaliramo. Svjestan sam ja šta instaliranje jednog hlorigeneratora zahtijeva, koje on dodatne troškove stvara JKP ili Općini, evo i sam neznam ko je nadležan za ovaj vodovod. Ja bih vas zamolio da u skorijem periodu počnemo riješavati problem ovog vodozahvata, jer bojim se već od ove godine da će doći do raspada cijelog tog vodosnadbijevanja. Gore je invazija za kupovinom placeva, vikendica, raznih drugih sadržaja itd. Svi vrše pritisak na MZ-u, lokalno stanovništvo za priključkom, mi niti imamo mogućnosti i jedva održavamo taj vodovod. Ono što je prioritetno i to tražim od Općine da se iznađe način da se instalira hlorigenerator, koji već imamo i koji smo platili i da ne stoji, ako smo već dali tolike pare za njega. Prije svega iznaći način mogućnosti i tehničke mogućnosti da se taj hlorigenerator ugradi u taj vodovod i to je priritet prioriteta, jer mi imamo pritisak pojedinaca, koji tu vodu često nose samoinicijativno, pogotovo ljudi koji gore vikenduju, nose na provjere i onda prijete tužbama lično meni, pa onda MZ-i, općini kako mi trujemo ljude s takvom vodom. Oni su djelimično u pravu, s obzirom da prilikom kišnih padavina itd, ta voda je stvarno neupotrebljiva, bez male doze barem hlora u njoj. Prioritet

broj dva je da počnemo bar neku djelimičnu sanaciju u ovoj godini tog vodovoda, koja neće zahtijevati neka velika sredstva, kako bi taj vodovod funkcionisao do neke veće sanacije, a nadam se da ćemo tu veću sanaciju uraditi u sklopu vodozahvata Vratak, jer sve je to isti sistem, koji se već radi koliko sam ja upoznat.

MUAMER DERVIŠEVIĆ- vijećnik SDA

Ovo je svijetli primjer jednog JKP, koji pruža usluge građanima općine Ilijaš, za razliku od drugih Komunalnih preduzeća koja pružaju usluge građanima općine Ilijaš. Čestitam na konačnom prekidu negativnog poslovanja, vraćanju ovih 100.000,00 KM negativnog poslovanja iz 2015. godine i povećanju dobiti u iznosu od 163.000,00 KM u toku 2016. godine. Ono što želim naglasiti, kada je u pitanju vodosnadbijevanje kompletnog područja općine Ilijaš, znamo da je vodosnadbijevanje jedan od problema koji će nas zateći u narednom periodu, s obzirom da imamo zaista razvoj općine na njenom kompletnom području i znamo da vi kao Vodostan, evo sad u ovom momentu možete garantovano tvrditi da na donjem dijelu imamo kontinuirano snadbijevanje svih i stambenih i privrednih objekata. Ono što želim naglasiti zaista je lokalni vodovod Junakovac, da vi kažete stanovništvu koje je izgradilo taj vodovod uz pomoć općine Ilijaš, da im jednostavno preuzmete kompletno upravljanje tim vodovodom i da vi garantujete svim gore i vikend naseljima, odnosno razvoju tog dijela i svim privrednim subjektima koji će se pojavljivati i pojavljuju na tom području, da možete nesmetano garantovati snadbijevanje vodom i lokalno stanovništvo, koje je jednim dijelom i vlasnik tog vodovoda i naravno i ljude koji dolaze da investiraju na to područje. Isto bi sugerisao, kada je taj vodovod Junakovac u pitanju da izađete i uradite analizu, šta je to što se može kratkoročno u 2017. godini investirati i da mi ne dolazimo u situaciju da razmišljamo možemo li dati privrednim subjektima načelne saglasnosti za izgradnju njihovih pogona na tom području. Znamo da je to područje koje će se razvijati i u smjeru poljoprivrede, možda izgradnja nekih farmskih postrojenja, a to su objekti koji zaista moraju imati kontinuirano snadbijevanje vodom i da tu nemamo nekih smetnji. Isto tako i lokalni vodovod u Srednjem, znamo informaciju da je i pilana u Srednjem pokrenuta i da su naša preduzeća preuzela tu pilanu i ona će povećavati svoj kapacitet. Također, imamo i Osnovnu školu sa svojim područnim školama, djeca idu svakodnevno, da možemo garantovati za taj vodovod nesmetano snadbijevanje vodom, a isto tako da možemo garantovati sa higijenskom ispravnošću vode.

SEAD ŠEHIĆ- vijećnik SBB-a

Ključna stvar koja nas interesuje ovdje, a koja je zaobiđena, a ja bih želio da upitam? Svi smo svjedoci da se u posljednje vrijeme ovdje grade naselja i uvijek kada se traži saglasnost za vodosnadbijevanje, Vodostan nekako olako daje svoju saglasnost da će biti vode. Moje suštinsko pitanje je sljedeće da li vi imate urađen neki stručni elaborat, koji nama ovdje nikada nije predstavljen po ovome pitanju? Da li u svom kolektivu imate ljude, koji garantuju da će na području općine Ilijaš biti dovoljno vode?

MUHAMED HANDŽIĆ – vijećnik BPS-Sefer Halilović

Ja želim da napomenem direktorici, vjerovatno nije njena nadležnost nije do sada bila, ali mi, odnosno Općina kao organ trebala bih da povede računa o pregledu isparvnosti vode korisnika ovih manjih rezervoara. Navodim primjer u Bioči imaju dva rezervoara koja niko ne kontroliše ni ispravnost vode, niti se hlorige, a sa ta dva rezervoara stotinu domaćinstava koristi vodu. Izvještaj je urađen kvalitetno, slikovito, međutim moramo se

rukovoditi i činjenicom da su usluge vode poskupile po računu po 2.00 KM, tako da ne treba puno čuditi na koji način su se obezbijedila sredstva, da se saniraju i dugovi i da se prikaže ovolika dobit.

AKIF FAZLIĆ-općinski načelnik

Ja samo želim da razdvojimo teme Izvještaj o poslovanju je jedna tema, druga tema je vodosnadbijevanje općine, dakle generalno gledajući. Dakle prije svega kada su u pitanju lokalni vodovodi mi ćemo sigurno izaći na OV-e sa određenim prijedlozima, zaista ima jako puno potreba da regulišemo pitanje upravljanja vodovodima i ona koja su trenutno pod ingerencijom našeg JKP "Vodostan" i ona koja nisu, ovo OV-e i administracija su odgovorni za vodosnadbijevanje naših građana. Mi smo se opredjelili kako ćemo to raditi, osnovali smo naše JKP, dali mu upravljačku ulogu da to radi. Međutim, imamo još puno prostora, lokalnih vodovoda, za koje se trebamo opredijeliti kako ćemo i to stanovništvo na tim područjima obezbijediti kada je u pitanju voda. Dakle, nekoliko ključnih vodovoda Junakovac, mi smo prije dvije godine uradili projekat, prošle godine je taj projekat implementiran i taj vodovod je sad u jednoj po meni izvanrednoj funkciji. Pitanje vodovoda Srednje-Sokolina, mi imamo situaciju da gore ne daju uopće da se instaliraju vodomjeri, a mi smo najveći ulagači u taj vodovod. Ova Općina i Kanton, dakle sve je investirano od strane budžeta Kantona i Općine. Također, ćemo izaći sa prijedlogom, kada je u pitanju Srednje. Kada je u pitanju izgradnja naselja, mi nemamo više od stotinu izdatih građevinskih dozvola za ta naselja, kad to postavimo tako, to su enormno male količine. Znamo da smo donijeli regulacione planove, koji se također mogu pobrojati i vidjeti koji je to opseg i kolika je to potrošnja. Zagovornik sam teze, da nesmiјemo imati niti jedan limitirajući faktor, kada je u pitanju razvoj ove općine. Dakle, nesmiјemo ni kada je u pitanju vodosnadbijevanje limitirati razvoj ove općine, a mi ćemo kroz systemske mjere stalno raditi da to bude puno bolje. Javno preduzeće radi strategiju, mi smo ušli ove godine sa preko 1.000.000,00 KM u investiranje u sistem gradskog vodovoda, dakle od filter stanice do rekonstrukcije određenih vodova. Dakle, prostora za dodatne količine vode itekako ima, u smislu smanjenja gubitaka u samom sistemu, a pokrenuli smo i ove istražne radove, koji će do kraja godine dati imamo li dodatnih izvora na području naše općine. Mi trebamo riješiti i staviti pod kontrolu, odnosno upravljanje svakim vodovodom koji snadbijeva, što se kaže dva, tri stanovnika ove općine i u tom segmentu, mi ćemo i kao službe zajedno sa našim JKP izlaziti pred ovo OV-e sa prijedlozima, mjerama i programima.

BELMA ZUKIĆ- direktorica JKP "Vodostan" Ilijaš

Načelnik je kroz svoje izlaganje, već dobrim dijelom i odgovorio na postavljena pitanja. Način fakturisanja u zgradama kolektivnog stanovanja, mi imamo Uredbu o vodosnadbijevanju i odvodnji koju je donijela Vlada Kantona Sarajevo u kojoj je precizno definisano na koji način mi možemo prikupiti podatke o broju članova u zgradi kolektivnog stanovanja. Po Uredbi, predsjednik kućnog Savjeta je taj koji nama dostavlja informacije o promjenama, odnosno novim članovima, dali je neko odselio, prijavio se, doselio i mi postupamo po tome. Kada je u pitanju individualna gradnja, odnosno stambeni objekti oni su mjereni vodomjerom, tu nije ni bitan broj članova. Broj članova je bitan u zgradama kolektivnog stanovanja, a predsjednik kućnog Savjeta je taj koji nama dostavlja podatak. Imamo dosta slučajeva, gdje nemamo predsjednika kućnog Savjeta i u toj varijanti pokušavamo sa građanima koji stanuju tu da oni potvrde koji je to broj. Vrlo teško je i nama ispred preduzeća doći do pravog podatka o stvarnom broju članova, ali mislim da bi građani zgrade najviše trebali biti zainteresovani da dostave te podatke, jer o toga ovisi i

faktura koja se ispostavlja. Kada je u pitanju vodosnadbijevanje dugoročno, mi radimo Strategiju, ona pri kraju. To je jedan dokument koji se intenzivno radi četiri, pet mjeseci, koji će u toku ovog mjeseca biti prezentiran. Njim je obuhvaćen postojeći opis vodovodnog sistema, definisana su postojeća i buduća naselja za koja treba obezbijediti urdno vodosnadbijevanje, analizirane su raspoložive i realno potrebne vode u prostoru za planirana naselja. Izvršiti će se analiza postojećeg rezervoara, pumpnih postrojenja, stanica i potrebnih količina vode za narednih 30 godina. To je osnov i strateški dokument na koji će se naslanjati sve ostalo. Kada govorimo o količini vode, mi trenutno imamo 40% gubitka vode u vodovodnoj mreži. Znači, to je nekakva rezerva i nešto čemu trebamo težiti da tu količinu vratimo u sistem vodosnadbijevanja, odnosno da omogućimo priključenje novih korisnika upravo iz onoga što gubimo u kanalizaciju.

Diskutanata po ovoj tački dnevnog reda više nije bilo, pa je Općinsko vijeće većinom glasova usvojilo

Izvještaj o radu i poslovanju JKP "Vodostan" d.o.o. Ilijaš za 2016. godinu

AD-4

Izvještaj o radu i finansijskom poslovanju za 2016. godinu Javne ustanove "KULTURNO-SPORTSKI CENTAR I RADIO ILIJAŠ" sa izvještajem manifestacije "Ilijaški dani 2016" i Izvještajem o održavanju i finansijskim efektima antenskog stuba Karašnica

BENIS FAZLIĆ – direktor JU "KSC i Radio Ilijaš"

Izvještaj o radu i finansijskom poslovanju za 2016. godinu Javne ustanove "KULTURNO-SPORTSKI CENTAR I RADIO ILIJAŠ", čiji uposlenici su svakodnevno izloženi osudi i ocjeni građana našeg grada i ovo je jeda dan kada se Vijeću podnosi Izvještaj o radu i finansijskom poslovanju za 2016. godinu Javne ustanove "KULTURNO-SPORTSKI CENTAR I RADIO ILIJAŠ" sa izvještajem manifestacije "Ilijaški dani 2016" i Izvještajem o održavanju i finansijskim efektima antenskog stuba Karašnica. 365 dana koliko radi Ustanova, 10 sati radijskog programa, 16 sati sportske dvorane, 8 sati biblioteke i kino sale po potrebi je teško u nekom ograničenom vremenskom periodu ovdje izložiti. Imajući u vidu da smo u prošloj godini potrošili 408.000,00 KM sa 12 (dvanaest) uposlenika od toga 6 (šest) uposlenika VS i 6 (šest) uposlenika SSS. Za informaciju Općinskim vijećnicima u situaciji u kojoj posluje JU, nema Zakona o Javnim ustanovama, radimo po Pravilniku donesenom 92. godine, kojeg je potpisao rahmetli Alija Izetbegović. Kad nemamo Zakona o kulturi, nemamo Zakona o sportu, kada imamo dvije zgrade sa cca 3000 m², cijenimo da smo 2016. godinu uspješno završili i da smo realizovali planirane aktivnosti. Imali smo neke i otežavajuće okolnosti, baveći se prokišnjavanjem dvorane, sanacijom grijanja. Vjerovatno smo malo propustili neke stvari i u ovom osnovnom dijelu djelatnosti da uradimo. Vezano za Plan rada Javne ustanove "KULTURNO-SPORTSKI CENTAR I RADIO ILIJAŠ" za 2017. godinu, koji je skinut sa dnevnoga reda, sigurno ga treba detaljnije uraditi vezano za utopljavanje dvorane i mislim da uprava i menadžment će prema ovom OV-u, odnosno načelniku u jednom od narednih, a možda i u ovom Planu rada ići sa zahtjevom da JU "KULTURNO-SPORTSKI CENTAR I RADIO ILIJAŠ", pređe po Zakonu o lokalnoj samoupravi na trezorsko poslovanje.

ALMIR ŠPIODIĆ – vijećnik BPS-Sefer Halilović

Krenut ću od finansijskog izvještaja, prihodi i rashodi za 2016. godinu iz ove prve tabele je jasno vidljivo da budžetski prihodi su uvećani za 14.550,00 KM, dok iz druge tabele vlastiti prihodi su umanjeni za 3.500,00 KM. To nam govori o sposobnosti poslovanja menadžmenta. Još mi je zapalo za oko u ovom dijelu sam primjetio da su bruto plaće u odnosu na 2015. godinu povećane, pa me interesuje dali je to bilo neko novo zaposlenje? Za plate se izdvaja 254.000,00 KM, a da vlastiti prihod RADIO ILIJAŠ, ostvaruje 132.000,00 KM, ja se onda pitam kako bi funkcionisali bez pomoći Općine i bez pomoći Kantona, odnosno bez ovih sredstava iz budžeta? Ovdje se vidi da je naknada 67% za Nadzorne odbore, da su povećane, sve se ovo povećava iz budžetskih prihoda, jer su oni uvećani za 14.000,00 KM, a vlastiti prihodi su smanjeni. Dalje, komentarisao bi izvještaj o radu Sportske dvorane, ovdje što je dobro da dvorana pruža usluge našim klubovima, sportstima daje besplatne termine. Mene interesuje jesu li ovi predizborni skupovi bili besplatni, jer su ovdje pobrojani u besplatne usluge dvorane, a znam da su predizborni skupovi koji su bili u Sportskom centru bili naplaćivani od strane menadžmenta? Dalje, ja bi se zahvalio direktoru na stavljanje dvorane na raspolaganje za održavanje Malonogometne lige MZ-a, gdje nam je dozvoljeno sedam dana da igramo, odnosno pola lige da se odigra. Interesuje me zašto se nije dozvolilo da se odigra druga sezona Malonogometne lige iz kojih razloga? Imao bih još pitanje za WEB stranicu, ono što sam zapamtio 04.10.2016. godine je jedan post koji je objavljen na WEB stranici, odnosno FACEBOOK stranici RADIO ILIJAŠA, gdje su popisana imena vijećnika koji su dobili mandat u 2016.-2020. godini, prvih 13 vijećnika je napisano velikim slovima, a ostalih 12 sa malim slovima. Jeli to neka novinarska forma ili gramatička greška ili ponižavanje ovih 12 vijećnika, odnosno sviju koji čitaju i prate RADIO ILIJAŠ?

MUHAMED HANDŽIĆ – vijećnik BPS-Sefer Halilović

Činjenica je da je direktor prisutan na svim javnim skupovima u KSC-u, tamo gdje rukovodi tim Sektorom i nije mi jasno to potkrepljujem činjenicom za moju inicijativu koju sam poslao za primenovanje "Sportske dvorane Ilijaš" u "Sportsku dvoranu Rašid Buća" Ilijaš. Barem vama gosp. direktore ne trebam pričati, vi ovoga čovjeka rahmetli bolje poznajete, nego ja. Vi njegove rezultate i kao čovjeka i kao sportiste i kao borca treba da poznajete i poznajete sigurno bolje, nego ja. Ja vam pošaljem inicijativu i tako na jedan poltronski način dobijem odgovor kao da sam ja stanovnik Zimbabvea i neznam čitati bosanski ili neznam pričati na bosanskom jeziku, koji je prethodio ovome. Molim vas, dali ste mi odgovor da mijenjate strukturu KSC-a, ako promijenite naziv dvorane. Dvoranu u svojim službenim aktima, kao "Sportska dvorana Ilijaš" ili u perspektivi "Sportska dvorana Rašid Buća" Ilijaš ne biste pominjali i ne pominjete nikada. U preamboli i svim drugim aktima i svemu onome pominje se "KULTURNO-SPORTSKI CENTAR I RADIO ILIJAŠ". Dakle, ovo što sam ja predložio, vjerovatno nisam trebao ja predložiti, možda bi dobro bilo da ste vi i ja bih volio da jeste i bilo bih vjerovatno i usvojeno. Žao mi je što sam ja bio predlagač, vi ste se rukovodili time što sam ja predložio da nedate svoju saglasnost. Ovo je jedna od sramota i nas Vijeća i vas kao menadžmenta i rukovodioca u tom KSC-u i vašeg Upravnog odbora, koji mi je dostavio odgovor na moju inicijativu.

BESIM GLJIVA- vijećnik Stranke za Srednje

Analizirajući ovaj Izvještaj, moramo uzeti da RADIO ILIJAŠ ima i dvoranu o kojoj je gosp. Handžić pričao i da je njeno održavanje veoma skupo. Poznato nam je da je

RADIO ILIJAŠ jedini medij koji Ilijaš ima. Smatram da ga je trebalo i da ga treba i u narednom periodu održati, pomoći ga u materijalnom smislu, onoliko koliko dozvoljavaju budžetska sredstva naše Općine. Nama je jasno da je kultura u Ilijašu, kao i u cijeloj BiH, još uvijek trošak i da se ona mora finansirati iz određenih budžeta, kako bi uopšte funkcionisale razne kulturne ustanove. Ako se osvrnemo na neke naše susjede, recimo Općina Vogošći, Hadžićima, Ilidži, vjerujte znatno veća sredstava se izdvajaju za ovako nešto. Po meni u posljednjem periodu i u ovoj Ustanovi napravljeni su pomaci.

BENIS FAZLIĆ – direktor JU “KSC i Radio Ilijaš”

Kada je u pitanju inicijativa uvaženog vijećnika, ja imam svoje mišljenje, a i pitanje je upućeno Upravnom odboru nije direktoru i dobili ste odgovor kakav ste dobili. Za ligu MZ-a, nikakav nije problem, ja kao menadžment JU dam pod istim uslovima da se održi i drugo kolo lige, međutim u odigravanju prvog kola lige bilo je određenih problema u organizaciji, da ne kažem čak i fizičkih obračuna. Zajedno sa načelnikom općine gosp. Akifom Fazlićem smo htjeli da to ušerijatimo, da se odredi komesar lige, da se odrede stručna lica, Nogometni savez Kantona Sarajevo, da se nemože odigrati liga bez sudija Nogometnog saveza. Ja mislim da sam davao podršku i dan danas dajem da se nastavi ta liga, ali dajte da sjednemo Nogometni odbor lige MZ-a sa Službom, sa načelnikom, sa mnom i da to stavimo na papir. Što se mene tiče liga se može nastaviti odmah poslije praznika. Kad su u pitanju predizborni skupovi, svi predizborni skupovi koji su održani prošle godine u KSC-u su fakturisani i svi su naplaćeni. Kada je u pitanju dio finansijskog poslovanja, vi znate da je kultura i sport potrošač i mi ćemo nastojati da u ovoj godini ovaj skromni gubitak iz vlastitih sredstava od 3.000,00 KM, da ga povećamo, barem ga uduplamo i zaradimo 6.000,00 KM zajedno sa svojim kolegama u KSC-u.

MUHAMED HANDŽIĆ – vijećnik BPS-Sefer Halilović (replika)

Cijeneći da će direktor dati ovakav odgovor za govornicom, ja sam ponio vaš odgovor, koji ste mi poslali zajedno sa vašim predsjednikom Upravnog odbora i on kaže Upravni odbor je razmatrao inicijativu vijećnika Handžića i Zaključak Komisije, te su članovi u dogovoru sa menadžmentom Ustanove, a menadžment ste vjerovatno vi i vaši saradnici postigli koncenzus i donijeli zajedničko mišljenje da, pa se dalje navodi nedaju da se "Sportska dvorana zove Rašid Buća".

Pauza od 11:15-11:20h

Diskutanata po ovoj tački dnevnog reda više nije bilo, pa je Općinsko vijeće većinom glasova usvojilo

Izveštaj o radu i finansijskom poslovanju za 2016. godinu Javne ustanove
"KULTURNO-SPORTSKI CENTAR I RADIO ILIJAŠ" sa izveštajem manifestacije
"Ilijaški dani 2016" i Izveštajem o održavanju i finansijskim efektima antenskog
stuba Karašnica

AD-5

Izveštaj o radu Pravobranilaštva Kantona Sarajevo za Općinu Ilijaš za 2016. godinu

SAMKA ZUBAN – predstavnica Pravobranilaštva Kantona Sarajevo

Osvrnut ću se ukratko na pravna pitanja koja Pravobranilaštvo Kantona Sarajevo, preduzima radi zaštite imovine i imovinskih interesa Općine Ilijaš, koja je povjerila pravne poslove našem Pravobranilaštvu i ujedno vam se zahvaljujem na ukazanom povjerenju. Neću detaljisati, budući da imate Izvještaj u tekstualnom dijelu, samo ću objasniti tabelarni prikaz gdje se može vidjeti vrsta predmeta, koliko je predmeta u radu od Općine Ilijaš, koliko je preneseno predmeta iz ranijih godina, koliko je zaprimljeno predmeta u 2016. godini i koliko ima ukupno predmeta u radu. Prvo ću krenuti od parnice, to su najznačajniji, najstručniji predmeti i ukupno u radu ima šezdeset (60) predmeta. Iz ranijih godina preneseno je šezdesetčetiri (64) predmeta. Od 01.01.-31.12.2016. godine zaprimljeno je jedanaest (11) parničnih predmeta. Ukupno u radu je sedamdeset (70) predmeta, a riješeno u toku 2016. godien je petnaest (15) predmeta, ostalo je šezdeset (60) predmeta. Treba istaći da je značajan dio ovih predmeta riješen u prvostepenom postupku. Međutim, predmeti su po žalbama jednih od stranaka u drugostepenom postupku, odnosno na Kantonalnom sudu. Najznačajniji poslovi iz parničnog postupka to su imovinsko-pravni poslovi, to je zaštita imovine Općine Ilijaš i zaštita pravnih interesa, koje Pravobranilaštvo provodi pred sudovima i organima uprave. Od parničnih predmeta, najveći broj predmeta, odnosi se na predmete po osnovu utvrđenja. Po osnovu utvrđenja bilo je u radu dvadesetdva (22) predmeta i po tom osnovu utvrđenje se odnosi na utvrđenje prava vlasništva i predaju u posjed nekretnina. Dalje, imamo predmete po osnovu duga, imamo zaprimljenih jedanaest (11) predmeta. U 2016. godini Pravobranilaštvo je zastupalo Općinu Ilijaš u pet (5) predmeta po osnovu duga, u kojim je Općina Ilijaš bila tužena strana. Također, imamo sporove za naknadu štete, oni se većinom odnose na ugriz psa lutalice. Ukupno na rješavanju imamo dvadesetdva (22) predmeta, većina je riješena, nalazi se na Kantonalnom sudu po žalbama, spor se provodi na osnovu Zakona o zaštiti i dobrobiti životinja i tretira ugriz psa po članu 28. stav (4) istoga Zakona, gdje se propisuje da sklonište i životinje osniva fizičko lice, Jedinica lokalne samouprave općina, grad, Kanton i Entitet. Znači, Zakon je na strani tužitelja, jer općina treba da se pobrine za psa lutalice i da nađe sklonište. Solidarno odgovaraju i Kanton i Općina, obično presude idu i na Kanton i na Općinu. U 2016. godini, zaprimljena su još tri (3) predmeta za ugriz psa, međutim dati su odgovori na tužbu, još čekamo poziv za ročište. U toku 2016. godine, Pravobranilaštvo je zaprimilo oko sedam (7) novih predmeta stambenih sporova i većinom su riješeni. Oni se vode radi utvrđivanja svojstva nosioca stanarskog prava i sporovi radi iseljenja, a većinom se odnose radi utvrđivanja tužbe, zbog otkupa stanova. Za otkup stanova potrebno je da budu ispunjena dva uslova, jedan od uslova je rješenje o dodjeli, a drugi uslov je ugovor o korištenju stana. Međutim, većina tužitelja nema ovaj drugi uslov i zbog toga potežu za tužbom, tuže vlasnika stana da bi dobili presudu koja zamjenjuje ugovor o korištenju stana i sa tom presudom mogu ići u otkup. Ostali sporovi koji se odnose na lakše predmete postupka imamo oko petnaest (15) tužbi. Imamo i dvije vrste mišljenja koja Pravobranilaštvo daje, kada Općina zatraži, to su mišljenja koja se odnose na član 15. Zakona o Pravobranilaštvu i mišljenja koja se odnose na član 16. Zakona o građevinskom zemljištu. Ova mišljenja koja se odnose na član 15. Zakona o Pravobranilaštvu, Općina Ilijaš, dužna je pribaviti pravno mišljenje prije zaključenja ugovora imovinsko-pravne prirode, to su kupoprodajni ugovori, ugovori o zamjeni, ugovori o koncesiji, ugovori o građenju, znači prije nego što se zaključi taj ugovor, mora se tražiti od Pravobranilaštva njegovo pravno mišljenje. Druga mišljenja su UM mišljenja, ova mišljenja se odnose na član 16. Zakona o građevinskom zemljištu, prema navedenom članu obaveza je Općine Ilijaš, odnosno OV-a je da prije dodjele neizgrađenog građevinskog zemljišta u državnoj svojini na korištenje radi izgradnje, obavezno je pribaviti pravno mišljenje nadležnog Pravobranilaštva u kojem nadležni pravobranioc potvrđuje da li je određena dodjela u skladu sa pozitivnim zakonskim propisima. Sljedeći sporovi su

izvršenja, gdje Pravobranilaštvo preduzima određene pravne radnje. Općina Ilijaš se pojavljuje se u četrnaest (14) predmeta kao tražioc izvršenja. Većinom je u pitanju bilo korištenje javne površine i naknada za dodjelu građevinskog zemljišta, to su naknade za korištenje ljetnih bašti koje su po javnim površinama. Sve su obaveze izmirene prema Općini Ilijaš, odnosno svi su otplatili dug koji su imali prema općini. Kada je u pitanju upravni postupak, Pravobranilaštvo je u toku 2016. godine, radilo na osam (8) predmeta, a odnose se na rješavanje uzurpacije zemljišta na području općine Ilijaš, utvrđenje prava vlasništva u korist građenja, kao i beglučke odnose. Što se tiče upravnih sporova nismo imali ni jedan predmet, vezano za dodjelu zemljišta. U vanparničnom postupku rješavano je devet (9) predmeta, najveći broj predmeta odnosi se na utvrđivanje naknade za eksproprisane nekretnine, određivanje naknade za preuzeto zemljište i uređenje međa. U 2016. godini riješeno je tri (3) predmeta, ostalo je šest (6) predmeta koji su u postupku rješavanja. Pravobranilaštvo ima značajnu ulogu u vanparničnom postupku, kod određivanje naknade za eksproprisano zemljište, kad se određivanje naknada određuje putem suda. Imamo i stambeni ugovori, otkup stanova, gdje Pravobranilaštvo samo kontrolira pitanje cijene stanova, sve je riješeno i izvršena je nadovjeru ovih ugovora.

MIRSAD OSMANOVIĆ- vijećnik SDP-a

Ako je akt vezan za član 16. Zakona o građevinskom zemljištu i on se dijelimično mijenja, da li je obaveza Općine, da traži ponovo mišljenje Pravobranilaštva?

SAMKA ZUBAN – predstavnik Pravobranilaštva Kantona Sarajevo

Naravno, mora se utvrditi pravo stanje.

Diskutanata po ovoj tački dnevnog reda više nije bilo, pa je Općinsko vijeće većinom glasova usvojilo

Izveštaj o radu Pravobranilaštva Kantona Sarajevo za Općinu Ilijaš za 2016. godinu

AD-6

Prijedlog Odluke o izmjeni člana 1. Odluke Općinskog vijeća Općine Ilijaš, br. 01/1-02-854-14/16 od 31.03.2016. godine

SADETA BRKIĆ- pomoćnica načelnika

Imamo prijedlog Odluke o izmjeni člana 1. Odluke Općinskog vijeća Općine Ilijaš iz 2016. godine. Odlukom OV-a od 31.03.2016. godine o neposrednoj pogodbi za prodaju neizgrađenog građevinskog zemljišta u smislu člana 363. stav (3) tačka 5. Zakona o stvarnim pravima, odobrena je prodaja neposrednom pogodbom neizgrađenog građevinskog zemljišta. Između ostalog, kako je taksativno nabrojano i ove parcele 874/2 u nazivu kulture potok Rača u površini od 279 m². Radili smo na takav način, provodeći regulacioni plan koji je donesen za taj obuhvat i donijeli Odluku kako je bilo u trećem mjesecu 2016. godine, na navedenom zemljištu je bio upis nosioca prava raspolaganja Općine Ilijaš. U svakom slučaju Odluka je išla sa ciljem oblikovanja građevinske parcele, koja je bila prethodno određena, a građevinska parcela bila je u vlasništvu d.o.o. LIFT CONSULTING. Navedeno zemljište, pa i ova predmetna parcela koja se nalazi u prijedlogu Odluke, jeste ažurirano u smislu građevinske parcele kao takve i u katastarskom aparatu, što je provedeno u smislu ažuriranja kulture samoga zemljišta, tako

da je provedeno kao ostalo neplodno zemljište, što je zajednička stavka kulture građevinske parcele, koja je kao takva određena. Budući da egzistira Odluka o neposrednoj pogodbi iz trećega mjeseca, gdje je u članu 1. pod stavkom (3), naznačena ova parcela sa kulturom kako je ranije bio samo upis Rača, to moramo uskladiti i ažurirati postojeću Odluku ovom izmjenom. Napominjem, u zemljišno-knjižnom uredu u harmonizaciji postojećeg stanja uređivanju građevinske parcele ta promjena je urađena i provedena kroz zemljišnu knjigu. Ostaje dakle i ova Odluka da se ažurira u smislu izmjene kulture samo i to je onda kao upis kulture ostalo neplodno zemljište.

MAHIR DEVIĆ- predsjedavajući OV-a

Informacije radi vijećnicima, Komisija za statut i propise OV-a Ilijaš je razmatrala prijedlog Odluke o izmjeni člana 1. Odluke Općinskog vijeća Općine Ilijaš, broj: 01/1-02-854-14/16 od 31.03.2016. godine i nije imala primjedbi na pravni osnov i pravno-tehničku usklađenost, te je jednoglasno dala saglasnost na navedeni prijedlog

MIRSAD OSMANOVIĆ- vijećnik SDP-a

Ja imam pitanje, jeli ovo stvarno potok? Jeli Rača presušila? Razumijem ja kad se tiče promjene kulture, interesujemo jeli potoki ili nije? Drugo, jeli pribavljeno mišljenje Pravobranilaštva?

SADETA BRKIĆ- pomoćnica načelnika

U svakom slučaju nebi se moglo pristupiti realizaciji Odluke u smislu zaključivanja kupoprodajnog ugovora da nije pribavljeno mišljenje Pravobranilaštva. Ono jeste u prvobitnom postupku pribavljeno i kao takvo je pozitivno u ovom smislu. U pitanju je provedba regulacionog plana. Dakle, ovdje je bila korekcija regulacionog plana, gdje je data mogućnost korekciji regulacijskog toka rijeke Rače, pristupne saobraćajnice mosta i ostalih sadržaja koji su tu. Sama kultura upisana u evidenciji ne odražava i ne faktičko stanje kulture u naravi na terenu. Rača je širi obuhvat u odnosu na dio koji je obuhvaćen ovom korekcijom. Ovo je samo formalno-pravno, tehničko ažuriranje podatka.

Diskutanata po ovoj tački dnevnog reda više nije bilo, pa je Općinsko vijeće većinom glasova usvojilo

Odluku o izmjeni člana 1. Odluke Općinskog vijeća Općine Ilijaš,
br. 01/1-02-854-14/16 od 31.03.2016. godine

AD-7

Prijedlog Rješenja iz imovinsko-pravne oblasti
a) broj: 06/1-31-540/17 od 13.04.2017. godine

MIRSAD OSMANOVIĆ- vijećnik SDP-a

Ne bi ja diskutovao da poslije ovog utvrđivanja javnog interesa ne slijedi prijedlog za eksproprijacijom. Moje mišljenje je, da ovo rješenje nije kompletno. Evo iz kojeg razloga, da bi mi donijeli ovaj akt u članu 16. je propisano šta ide uz zahtjev. Znači, elaborat eksproprijacije, procjenu vrijednosti, a da bi mi procijenili vrijednost, što je ovdje i ključno, koliko sam ja skontao, ovdje imamo oko 100 dunuma po rješenju. Znači, mora se

precizirati, jer kada dođe prijedlog za eksproprijaciju, da ne budemo ponovo ovo ispravljali. Potrebno je kada donosimo odluku, precizirati javni interes za to i to, odnosno toliko i toliko m² i dobro bi bilo, što je regulisano članom 16., da imamo sve ove akte, koje propisuje član 16. Zakona o eksproprijaciji, jer mi donosimo ovdje nešto što ćemo plaćati.

SADETA BRKIĆ- pomoćnik načelnika

Utvrđujuće rješenje kada je u pitanju javni interes, provedba određenog akta kod projektnog zadatka nije ni sam postupak eksproprijacije, jeste značajna ulaznica. Nema pristupiti potpunoj eksproprijaciji dok se ne ispoštuje član 14. Zakona o eksproprijaciji. Što znači na određenoj parceli u određenoj površini koja jeste od javnoga interesa, će biti provedba preuzimanja zemljišta-eksproprijacije, radi pribavljanja zemljišta za provedbu određenog projekta. To može biti određeno urbanističkom saglasnošću, koju mi imamo u ovom predmetu i u svim ovim predmetima, koji su predloženi, može biti i u urbanističko-tehničkim uslovima, na bazi svega se uradio i elaborat o eksproprijaciji. U pravno-tehničkoj provedbi Zakona o eksproprijaciji, jeste jedan od prvih koraka, jeste ovaj donošenje utvrđujućeg rješenja. Sada ćemo pristupiti eksproprijaciji donošenjem rješenja, ta rješenja će ići u svoju provedbu, a onda slijedi pitanje naknade. Znači, određivanje zemljišta, određivanje naknade, određivanje naknade u smislu izmirenja naknade, na koji način, kako Zakon o eksproprijaciji rekao, da li zamjenskim zemljištem, da li u finansijskim efektima itd. Da li će to biti sporazumno ili će to sud odrediti u vansudskom postupku, to je pitanje provedbe. Ovo nije konkretno još uvijek postupak eksproprijacije, ali jeste ulaznica za eksproprijaciju.

MIRSAD OSMANOVIĆ- vijećnik SDP-a

Uvažena pomoćnica odgovara ono što slijedi, a ja sam rekao da se bojim ako ovo ne uradimo, ovu ulaznicu, ja bih vas zamolio pročitajte član 16. Zakona o eksproprijaciji i nemojte govoriti nešto što nije tačno. Mi smo obavezni, odnosno prijedlog za utvrđivanje javnog interesa podnosi se uz dokumente te i te, mi ovdje donosimo rješenje za koje je obavezna procjena vrijednosti. Ja znam cijenu ne određuje OV-e i ovo sve što vi kažete to slijedi od člana 21. pa dalje, a ja vas pitam za član 16., član 14. i formu ovoga rješenja.

MAHIR DEVIĆ- predsjedavajući OV-a

Mišljenje Komisije za statut i propise OV-a, glasi ovako: Komisija je razmatrala Prijedlog Rješenja iz imovinsko-pravne oblasti, broj: 06/1-31-540/17 od 13.04.2017. godine i nije imala primjedbi na pravni osnov i pravno-tehničku usklađenost, te je jednoglasno dala saglasnost, sa sljedećom preporukom: "Komisija na osnovno Rješenje nema primjedbi, osim u dijelu eksproprijacije parcele označene kao k.č.br. 184/2-oranica/njiva II klase, površine 1061 m² upisana u posjedovnom listu 51 K.O. Elešehovići upisana na posjednika Bošković (Bogdan) Gojko sa posjedom 1/1. Takodžer, predlaže da nadležna Služba za urbanizam utvrdi da li se predmetna urbanistička saglasnost izdata Općini Ilijaš kao investitoru za izgradnju biciklističke staze treba odnositi na ovu parcelu, obzirom da ista prema Kopiji katastarskog plana graniči sa regionalnim putem, a nije obuhvaćena ni u predloženom Rješenju za utvrđivanje javnog interesa, jer je Služba za imovinsko-pravne poslove, geodetske poslove i katastar uradila Rješenje prema urbanističkoj saglasnosti.

Diskutanata po ovoj tački dnevnog reda više nije bilo, pa je Općinsko vijeće većinom glasova usvojilo

Rješenje iz imovinsko-pravne oblasti pod
a) broj: 06/1-31-540/17 od 13.04.2017. godine

Prijedlog Rješenja iz imovinsko-pravne oblasti
b) broj: 06/1-31-66/17 od 18.04.2017. godine

Diskutanata po ovoj tački dnevnog reda nije bilo, pa je Općinsko vijeće većinom glasova usvojilo

Rješenje iz imovinsko-pravne oblasti pod
b) broj: 06/1-31-66/17 od 18.04.2017. godine

Prijedlog Rješenja iz imovinsko-pravne oblasti
c) broj: 06/1-31-609/17 od 18.04.2017. godine

Diskutanata po ovoj tački dnevnog reda nije bilo, pa je Općinsko vijeće većinom glasova usvojilo

Rješenje iz imovinsko-pravne oblasti pod
c) broj: 06/1-31-609/17 od 18.04.2017. godine

Prijedlog Rješenja iz imovinsko-pravne oblasti pod
d) broj: 06/1-31-617/17 od 19.04.2017. godine

Diskutanata po ovoj tački dnevnog reda nije bilo, pa je Općinsko vijeće većinom glasova usvojilo

Rješenje iz imovinsko-pravne oblasti pod
d) broj: 06/1-31-617/17 od 19.04.2017. godine

AD-8

Informacija u oblasti zdravstva na području Općine Ilijaš

MAHIR DEVIĆ – predsjedavajući OV-a

Iskreno mi je žao što ovdje ne vidim direktora DZ Kantona Sarajevo. Uglavnom mi trebamo danas razmatrati ovu Informaciju i vjerovatno ćemo imati prijedlog nekih zaključaka, kako bi smo kao OV-e poduzeli neke aktivnosti da se nebi devastiralo u segmentu zdravstva, ono što smo postigli kada je u pitanju JU DZ Kantona Sarajevo, očigledno je da imamo problema u kadrovima, popunjavanju kadrova, upošljavanju na području Kantona Sarajevo pa raspoređivanju navedenih na području Općine Ilijaš, odbijanju pojedinih doktora specijalista da obavljaju svoju djelatnost tu. Ovo ništa nije na adresu aktuelne direktorice OJ DZ Ilijaš, odnosno menadžmeta, jer oni nemaju nikakvu vrstu nadležnosti, očigledno je da sve ovo što mi radimo u proteklih četiri, pet godina da je sada opet krenulo u jednu vrstu devastacije. Cjenim da mi kao OV-e trebamo zauzeti ozbiljne zaključke, u smislu da direktor DZ Kantona Sarajevo, treba da bude prisutan na ovakvim sjednicama, jer on i njegov menadžment donose ove vrste odluke. Ili varijanta dva neka nam vrate DZ, da mi vodimo računa o njemu i da mi iškolujemo naše kadrove, što bi najpametnije bilo.

SENA SOFTIĆ - TALJANOVIĆ – direktorica JU Zavoda za hitnu medicinsku pomoć Kantona Sarajevo

Od 01.10.2014. godine Hitna medicinska pomoć Kantona Sarajevo ima svoju OJ, odnosno istureno odjeljenje ili punkt u Općini Ilijaš 24 sata. 24 sata na ovoj općini prisutan je tim koji čine doktor medicine educiran za rad u Hitnoj medicinskoj pomoći ili specijalista urgentne medicine i dva hitna medicinska tehničara sa posebnom edukacijom iz hitne pomoći, od kojih je jedan ujedno i medicinski tehničar vozač. Za proteklu godinu, ja mogu da kažem da smo uspješno odgovorili zadacima koji su nam postavljeni na vašoj općini. Naime u toku dana radimo samo hitnu medicinsku pomoć, a u toku noći, kada se u 20:00 sati, zatvori DZ, doktor i tehničari obavljaju kompletnu primarnu zdravstvenu zaštitu na općini Ilijaš. Naravno da se dešava, kao i na drugim punktovima Vogošća, Hadžići, Ilidža, Saraj Polje itd, da se prilikom odlaska u kućnu posjetu, dešava da dođe neko od vaših, odnosno naših sugrađana, da dođe na punkt i nenađe ekipu, u tom smislu molim za strpljivost, obično na vratima piše da je ekipa u kućnoj posjeti ili da je ekipa u transportu prema KC Univerziteta u Sarjevu ili prema Općoj bolnici. Ako se radi zaista o hitnosti, kada je život ugrožen, onda se upućuje u općinu Ilijaš najbliža ekipa Hitne pomoći, ekipa iz Vogošće. Naime u procesu rada mi vršimo preraspodjelu kadra na mjesto incidenta, na mjesto gdje se spašava ljudski život upućujemo najbližu ekipu prema toj lokaciji. Znači, nerijetko na vašu općinu dolazi ekipa koja je iz Vogošće, a u Vogošću se uputi ekipa koja je u tom trenutku bila na KC Univerziteta u Sarjevu. Znači pokrijemo Kanton, pošto smo uveli digitalizaciju i GPS praćenje vozila, mi tačno znamo u svakom trenutku, gdje nam se nalazi svako vozilo i dali je vozilo zauzeto, odnosno dali ima pacijent u vozilu, kojom brzinom se kreće vozilo, gdje se kreće. Zaista vodimo strogu kontrolu svih timova i ambulantnih vozila, tako da odgovorno tvrdim da se nemože desiti da je ekipa slobodna, a da neko čeka na medicinsku uslugu.

NIHADA IBRAHIMOVIĆ – predstavnik JU Zavoda za zdravstvenu zaštitu žena i materinstva Kantona Sarajevo

Što se tiče Zavoda, u Zavodu ima osam lokaliteta, ja sam već dvije godine ovdje u Ilijašu i jedini manjak ovdje je ultrazvuk, koji nam neophodno treba. Što se tiče same obrade trudimo se da pacijentice budu zadovoljne.

MAHIR DEVIĆ – predsjedavajući OV-a

U narednih mjesec dana bi trebala biti završena javna nabavka i tako da ćemo imati potpuno novi ultrazvučni aparat, koji će odgovoriti savremenom vremenu.

AMRA MATORUGA - direktorica OJ DZ Ilijaš

Od 01.03.2017. godine sam Odlukom generalnog direktora imenovana na mjesto direktora OJ DZ Ilijaš. Generalni direktor DZ Kantona Sarajevo, zbog ranije preduzetih obaveza nije mogao da prisustvuje danas sjednici OV-a Ilijaš. Iskreno se nadam da ćemo imati dobru i uspješnu saradnju, ja ispred DZ Ilijaš i ovo tijelo sa načelnikom na čelu, kao i do sada sa zajedničkim ciljem za unaprjeđenje i jačanjem zdravstvene zaštite na području naše općine. Pred vama je izvještaj prethodnog direktora, obzirom da se radi o 2016. godini, a ja sam sa svojim saradnicima analizirala i dala saglasnost da ga prosljedim vama na informaciju i u tom smislu, ako nešto bude nejasno, ja ovog trenutka budem mogla odgovoriti, rado ću. Osvrnut ću se na predviđeni Plan aktivnosti za 2017. godinu, znam šta je prvo i s tim ćemo krenuti, dakle otvoriti Centar za fizikalnu medicinu. U tom smislu naša Ustanova je preduzela određene aktivnosti, da se što prije pusti u funkciju Služba za fizikalnu, tako da sam ja od preduzimanja dužnosti kompletirala dokumentaciju, koju mi je

načelnik gospodin Fazlić uručio, vezano za nadogradnju, čekalo se na pečat pravosnažnosti o tehničkom prijemu zgrade i mi smo 20.03.2017. godine, prosljedili prema Vrazovoj svu dokumentaciju i prijedlog o popuni tima, koju čini doktor fizijatar, 2 (dva) dipl. fizioterapeuta, 3 (tri) fizioterapeuta sa SSS i 1 (jedna) medicinska sestra općeg smjera. Naš prijedlog, moj da od postojećeg kadra, koji radi u DZ Ilijaš se popuni sa 1 (jednim) fizioterapeutom SSS, koji je trenutno raspoređen na drugim poslovima u našoj Ustanovi i 1 (jednom) medicinskom sestrom općeg smjera, koja je invalid II kategorije, tako smo poslali u prijedlogu prema generalnom direktoru, a ja sam poslala i informaciju, koliko to našeg kadra na našoj općini, koji nedostaje a ima na Birou rada prijavljeno na dan 20.03.2017. godine. Dakle, bilo je i 3 (tri) doktora medicine specijaliste fizijatra, 3 (tri) fizioterapeuta sa Visokom zdravstvenom školom i mislim 16 (šesnaest) fizioterapeuta sa SSS. U tom smislu, mogu vas izvijestiti da je generalni direktor, već poduzeo aktivnosti u vezi primanja u radni odnos doktora fizijatra, kao nosioca tima, međutim procedura se zakomplicirala, jer je u međuvremenu stupila na snagu Odluka Vlade Kantona Sarajevo o zabrani upošljavanja u svim Ustanovama bez konkursne procedure, a na snazi je i moratorij do kraja 2017. godine, bez odobrenja resornog ministarstva. Po izjavi generalnog direktora naše Ustanove, ponavljam a to je izjava prije sedam dana sa zadnjeg Kolegija, da su poduzete sve aktivnosti oko prijema na određeno, ima tu jedan izuzetak da se može primiti, odnosno mora se ispoštovati konkursna procedura po najnovijem, ali se može primiti na kadar na određeno vrijeme, koji nedostaje, dakle da se primi ljekar specijalista. Ja sam jutros razgovarala sa Kabinetom generalnog direktora i rečeno mi je da je u toku popunjavanje tima za fizijatriju u našoj Ustanovi, koji nedostaje, ali od postojećeg. Znači, sada nam je prioritet pustiti Centar u funkciju što prije. Želim naglasiti da je prilikom u unutrašnjosti te nove službe, odnosno Centra za fizikalnu medicinu ostala iz nekog razloga svlačionica za pacijente, bez koje se nemože ići dalje u proceduru, tako da je načelnik početkom mjeseca marta, prebacio JU DZ Ilijaš 3.000,00 KM da se svlačionica završi i tu proceduru smo priveli kraju. Išlo se preko javnih nabavki, pa dok je se odabrala najpovoljnija ponuda, uglavnom se sve uklopilo u cijenu i svlačionice su prošle sedmice završene. Napomenut ću da smo prilikom prvog radnog sastanka načelniku istakli problem nastale štete u ambulanti Podlugovi od pucanja cijevi, gdje je otišao plafon u jednoj radnoj prostoriji ambulante. Sanacija je završena ovih dana i tu nam je načelnik pomogao sa oko 1.000,00 KM od strane općine. Dalje aktivnosti su usmjerene na sljedeću fazu, a to je utopljavanje drugog dijela zgrade, zamjena stolarije i ravnog krova i u tom smislu smo se sa načelnikom dogovorili, izrađena je projektna dokumentacija i to je sljedeći veliki projekat, koji će se završiti u toku 2017. godine, sredstva su obezbijeđena u vrijednosti oko 150.000,00 KM, od strane resornog Ministarstva i naše općine. Također, prije deset dana sam imala sastanak sa predstavnicima nevladine organizacije XY, koja donatorski oprema sve Centre za mentalno zdravlje na nivou države, te smo u tom smislu obišli naš novi Centar za mentalno zdravlje, kojeg smo imali, a koji su po standardima i normativima prešli u nove prostore i zajedno sa timom iz Centra za mentalno zdravlje, smo delegirali opremu, koja je neophodna Centru za mentalno zdravlje, vrijednost projekta je oko 10.000,00 KM. To bi bile važnije aktivnosti, koje sam ja imala u toku dva mjeseca svoga mandata. Na kraju želim da iskažem u ime menadžmenta Ustanove, svih zaposlenika DZ Ilijaš, u svoje lično ime i slobodno mogu da kažem svih građana općine Ilijaš, veliku zahvalnost ovom sazivu OV-a, bivšem sazivu OV-a, općinskom načelniku gosp. Fazliću, resornom Ministarstvu, Zavodu zdravstvenog osiguranja na svemu što je se uradilo ovih zadnjih godina u smislu opremanja, otvaranja Službi koje su nedostajale i naravno ove zadnje aktivnosti koje su sada kruna na sve dosada. Tako da imamo zaista jedan divan objekat za pružanje primarne i sekundarne zdravstvene zaštite na našoj općini, jer sada sa otvaranjem Centra smo zaokružili primarnu zdravstvenu zaštitu. Ja kao uposlenik ove

Ustanove od 1996. godine znam kakvi su bili uslovi, sa čim je se radilo i kako je bilo teško našim građanima, a i nama koji smo pružali usluge. U centralnom objektu nismo imali ni EKG, a sada svaka ambulanta ga ima. Sada imamo rendgen, Službe koje su nedostajale, ultrazvuk i posebno moram istaći, imamo 24 sata Hitnu medicinsku pomoć, sa kojom imamo izvanrednu saradnju.

AKIF FAZLIĆ – općinski načelnik

Vidljivo je, da naše opredjeljenje kada je u pitanju zdravstvo, školstvo i još neki segmenti budu prioritet u radu ove lokalne zajednice. Dakle, taj prioritet je doveo da smo ovaj prostor DZ u Ilijašu, rekonstruisali, izgradili, dogradili i stvorili zaista sada izvanredne prostorne i materijalne uslove za rad našeg DZ iz sfere JU DZ Kantona Sarajevo. To opredjeljenje nastavljamo i dalje i u ovoj godini mi u budžetu imamo 210.000,00 KM za opremanje i stvaranje dalje tih materijalnih uslova u zdravstvu, dakle 150.000,00 KM je za opremanje bloka II, gdje ćemo kroz projekat energetske efikasnosti i uređenja unutarnjeg prostora i ovaj prostor dovesti na jedan zavidan nivo. Također, budžetom je 60.000,00 KM predviđeno za nabavku ultrazvučnog aparata, tender je prije dva dana otvoren imamo jednu zvaničnu ponudu. Očekivati je da vrlo brzo riješimo ovo pitanje koje smo imali i da Zavod za zdravstvenu zaštitu žena i materinstva u potpunosti opremimo i imamo 10.000,00 KM koje su ostavljene da po zahtjevima Zdravstvenih institucija reagujemo, u tom smislu smo reagovali sa 4.000,00 KM prema JU DZ i sa 6.000,00 KM prema Zavodu za zdravstvenu zaštitu žena i materinstva u smislu kompjuterizacije tih prostora, uvezvanja i vrlo brzo ćemo imati sve to urađeno. Na bazi takvog našeg opredjeljenja i dobrih rezultata, sada mi cijenimo rad ustanova koje nam pružaju usluge i ja u tom smislu želim da čestitam Zavodu za hitnu medicinsku pomoć Kantona Sarajevo i direktorici koja je imala najmanju materijalnu podršku od strane ove općine, ali je zaista najbolje ovo pratila. Posebno želim čestitati zato što je kadrovski pratila povećanje na 24 sata, gdje je na jedan obostran, dobar interes zaštićena i naša općina i kadrovi sa naše općine su našli svoje mjesto u Zavodu za hitnu medicinsku pomoć. Također, bar ja imam one dobre informacije kada je u pitanju Zavod za zdravstvenu zaštitu žena i materinstva Kantona Sarajevo i da ne bude naša JU DZ Kantona Sarajevo i naš DZ, sigurno dobro radi, ali ono čime mi ne možemo biti zadovoljni je odnos menadžmenta JU DZ Kantona Sarajevo, odnosno ljudi koji sjede u Vrazovu i koji vode kadrovsku politiku, kakvu vode već godinama i kako mi se iz dana u dan borimo s tim isto kao da mi radimo u tim ustanovama. Moja preporuka je da donesemo zaključak da Kolegij ili radna grupa OV-a, načelnik i direktorica, održimo dodatni sastanak sa direktorom na ovu temu, kako bi se izborili za poziciju ovog DZ. Ovo nije samo problem Ilijaša, ovo je problem i u Hadžićima i zaista ove rubne općine, jednom sinhroniziranom aktivnošću trebamo krenuti u zaštitu pozicija svojih lokalnih zajednica.

Pauza od 12:15-12:25h

MAHIR DEVIĆ – predsjedavajući OV-a

Zamoliti ću kolegu Muamera Derviševića da nam pročita dva zaključka, naravno da se izjasnimo o njima, kako bi ih mogli realizirati u što kraćem periodu.

ZAKLJUČAK I

Zadužuje se načelnik Općine Ilijaš da u narednoj sedmici, organizuje sastanak sa generalnim direktorom JU "Dom zdravlja Kantona Sarajevo", Ministricom zdravstva Kantona Sarajevo, direktoricom OJ "Dom zdravlja Ilijaš", kao i članovima proširenog Kolegija Općinskog vijeća Ilijaš, na temu funkcionisanja Organizacije jedinice Doma zdravlja Ilijaš.

ZAKLJUČAK II

Općinsko vijeće Ilijaš i općinski načelnik Općine Ilijaš pohvaljuju saradnju sa JU "Zavod za hitnu medicinsku pomoć Kantona Sarajevo" i JU "Zavod za zdravstvenu zaštitu žena i materinstva Kantona Sarajevo".

Općinsko vijeće jednoglasno je usvojilo Zaključak I i Zaključak II.

Diskutanta po ovoj tački dnevnog reda više nije bilo, pa je OV-e primilo k znanju

Informacija u oblasti zdravstva na području Općine Ilijaš uz usvojene Zaključke.

Nakon što je iscrpio dnevni red, predsjedavajući Mahir Dević, zaključio je osmu sjednicu OV-a Ilijaš u 12:30h.

Zapisničar:
Ilda Kahriman

PREDSJEDAVAJUĆI
OPĆINSKOG VIJEĆA ILIJAŠ

Mahir Dević, prof.